

JARDUERA



Plan Estrategikoaren urteko ebaluazioa

13

HELBURUAK

- Plan Estrategikoan zehaztu diren helburu eta ekintzen betetze-maila ebaluatzea eta hobetzeko proposamenak aztertzea.
- Ikasleen hizkuntza-komunikaziorako gaitasunaren barne eta kanpoko ebaluazioen emaitzen joera aztertzea.

prozedura

Jarduera hau urtero egingo da ikasturte amaieran. Ikasturtero, Plan Estrategikoan ikasturte horretarako jarritako helburuak eta hauen lorpen-maila ebaluatuko dira. Helburu horietako esanguratsuenak Ikastetxearen Urteko Planean ere txertatuko dira. Aurrekoaz gain, hizkuntza-komunikaziorako gaitasunaren barne eta kanpoko ebaluazioetan ikasleek lortutako emaitzak aztertuko dira, hauen balorazioa egiteko.

Jasotako datuen artean etapa amaierako emaitzak eta Ebaluazio Diagnostikoarenak egongo dira. Ikastetxeko zuzendaritzak datu hauek bere esku ditu eta Hizkuntza Proiektuko batzordeari emango dizkio honek balora ditzan.

Hezkuntza-komunitatearen balorazioa ere garrantzizkoa da. Horretarako, Plan Estrategikoaren urteroko ebaluaziorako taula sektore guztietako ordezkariari emango zaie, hauek Hizkuntza Proiektuaren garapenaren balorazioa egin dezaten.

Hasierako proiektuan aldaketarik egin behar bada, prozesuaren une hau da egokiena. Ikasturtean zehar egindako lanaren ebaluazioa ikasturte amaieran egingo bada ere, Hizkuntza Proiektuaren batzordeak beste une batzuk ezar ditzake plangintzaren garapen egokia baloratzeko eta, beharrezkoa bada, bideratzeko.

Ebaluazio honen laburpena Ikastetxearen Urteko Memorian jasoko da.

emaitza ekoizpena	denbora denboralizazioa
Jasotako ondorio eta proposamenek prozesua bideratzeko eta, lau urteren buruan, Hizkuntza Proiektuaren amaierako ebaluazioa egiteko balio izango dute.	Bi saio ikasturte amaieran.
tresnak	ereduak adibideak
13.1.tresna. Plan Estrategikoaren urteko ebaluaziorako taula 99-100. or.	13.1. adibidea. Plan Estrategikoaren urteko ebaluazioa 137-138. or.